

# Innthal Schnalzer

Karl Schönherr

50566.42.30


HARVARD COLLEGE  
LIBRARY



FROM THE BEQUEST OF  
THOMAS WREN WARD

Treasurer of Harvard College  
1830-1842

OTTO HARRASSOWITZ  
BUCHHANDLUNG  
LEIPZIG





Innthalser  
**Schnalzer**

Gedichte in Tiroler Mundart

von

**Karl Schönherr.**



Zweite vermehrte Auflage.

**Leipzig**

Verlag von H. Haessel

1896.

50566, 42.30



Ward fund

Meiner † Mutter.





## Grüaß Gott.

Grüaß Gott, ös Saggera Leuteln,  
Grüaß Gott in T'rolerland,  
Söchts woll, iak' war i boda,  
In mein Lod'ngwand.

Ueber'n Inn bin i scho herent'n,  
Und über der groaß'n Brugg',  
Sunst mochet i wieder Reahrtum  
Und ganget z'rugg.

I trau mi nit recht füri\*),  
Mit meini Werchtigschuach  
Und mit mein groaß'n Rög'ndach  
Aus roath'n Tuach.

---

\*) vorwärts.

Schnalzer.

I hatt halt in der Sanggertasch'n  
Zun Ross'n etli Rüachl,  
Und in mein blob'n Schneuztuach d'rin  
Für Ent a Büachl.

Bitt schian, nit z'hoaglig sein  
Und thüats die Rüachl öff'n,  
Bitt ja ganz g'wiß nit hoagl sein,  
Und's Büachl löf'n.

---

### Bei üns derhoam schmalzt's.

Bei üns in Tirol isch es Modi,  
Do weard gearn g'schnaggelt und g'schnalzt,  
Bei'n Ranggeln, bei'n Tong'n, bei'n Schiaß'n,  
Und wenn d'Bäurin die Rudi guat schmalzt.

Mit'n Schnalz'n lockt d'r Darhuhn\*) die Henna,  
( 'n Jag'r freili a hört und do,) —  
Und host a löbfrischer Bua bei an Diand'l,  
Geits a gearn Schnalzerlen o.

Ös kennt's wohl die G'schicht' vun die Tiroler,  
Bis viarz'g Johr sein's batscheti\*\*) Leut' —  
Dört thuats nar an saggr'sch'n Schnalzer,  
Und do sein mer aff oamal kreuzg'scheid.

---

\*) Auerhahn    \*\*) ungeschickt, dumm.

A Tiroler dear hat halt dös Guati,  
Dafß er überhaup' g'scheid amol weard —  
I wart' iag' a scho aff mein Schnalzer —  
Oder hun i'n öpper gor überheart?

---

### Bin a Tirolerbua.

Laßt's miar mein grob'n Tod'nroß  
Und meinei Möglschuah,  
I will a frisch Umluft,  
Bin a Tirolerbua.

A'halts ös nu Enfer noblig's G'wand,  
I hatt' dermit mei Moath:  
Für so an mogern Spoß'nfrack  
Sein meinei Areln z'broat.

Und I'haltets 's Angstroahr aff'n Kopf,  
Es paßt Enk wunderguat —  
I hun foa Angst, i hun a Schneid,  
Miar tragts an grüanen Guat.

Und Enkri Häuser brauch i nit,  
Miar war's drein z'eng und z'schmol,  
Do hatt' mei Zodler gor nit Platz,  
Dear braucht a ganzes Thol.

End Enkri Wöglan sein mer z'öb'n,  
Und meinei Berg Enk z'hoach,  
Und Enkri Röd'n sein mer z'hahl \*),  
End Enkri Madlan z'bloach.

Za, miar verstiahn anander nia,  
Sein himm'lweit dunand,  
Ös paszt's nit aff an Almspiß,  
I nit in's öbni Land.

Laszt's miar mein grob'n Tod'nroß  
Und meinei Röglschuah,  
I will a frisch'i Almlust,  
Bin a Tirolerbua.

---

\*) glatt.

## A g'spassig's Lob.

Siegst Ander, heunt hat di der Gmoanvorsteahr  
g'lobt,

In Wiartshaus, voarn Stammtisch voll Leut;  
Sünst hob'n sie alm glei g'schimpft über di,  
Mi hat's wegen deiner heunt g'freut.

Moant der Ander: „dös thuat oan scho a amol  
wohl,

Bu den ewig'n G'schimpf weard man verzagt,  
Und iag', mit Verlab, wenn i frog'n thoan that,  
Wos hat denn der Boarsteahr gor g'sagt?“

„Er hat so überhaps vu die Spizbuab'n g'rödt,  
Und do föt\*) er halt a: Wißts ös Mannder,  
Es geit aff der Welt scho no greaßere  
Lump'n,

As mia ünfern Picklbeilander.“

---

\*) sagt.

## A Liad vu die Glogg'n.

's geit üb'rol in an iad'n Dorf  
An Thurn voll alti Weiber,  
Dö hob'n weite Noasfröck un  
Und kugelrunde Leiber.

Und plappern thians in ganz'n Tog,  
Bald dö und bald die oani,  
Bald ratsch'ns wieder alle z'samm',  
Und 's Maul derhöbt halt koani.

Hat oans in lösch't'n Schnauser thun,  
Ganz hoamlig in der Nummer,  
Do wissens dö in Thurn scho  
Und plauschens a glei ummer.



Und wenn amol der Bischof kimmt,  
Und wenn er wieder geht,  
Sollst söchn, wias do gneadig hob'n  
Und ihner Maulwerk geht.

Megst moanen, untern Sunntigamt  
Do kunnt'ns rüawig sein, —  
Sie schnattern diar ins Evangel  
Und in die Wandlung d'rein.

Und wenn a Dunderwetter kimmt,  
Kriag'ns Angst voarn Himm'lwater,  
Do schrei'ns — du hearst koan Dunder meahr,  
Boar ihr'n laut'n G'schnatter.

In Thurn ischt a a Summerschmied,  
A G'söll, a recht a köcker,  
Dear schlägt glei alle Viartlstund'  
So ar Ratsch'n aff'n Schmöcker\*).

---

\*) Nase.

Und wenn ihn recht der Boarn packt,  
Na'r nimmt er an greaßern Hummer,  
Und haut'n der allergreaßt'n Ratsch  
Zwölsmol ums Gösch'l ummer.

Ï moan, mit zwölf so Hummerschläg'  
Do wurd' oans stad dervun —  
Na'm daß er fertig g'schlog'n hat,  
Gehts G'schnatter wieder un.

An ünser's Hearn Sterbetog,  
Do haltens wol die Bratsch'n\*) —  
Weiß dort an Tog nix röd'n derf'n,  
B'stöllns a Karfreitigratsch'n.

---

\*) Mund.

### In Ganz'n g'nomm'.

„Siegst Sepp, heunt bin i amol ext'ra kemmen,  
I mecht di gearn über mein Buab'n vernehmen.  
Wia fūahrt er si au, ischt er brav oder nit?  
Sog' mer's frisch außa, und luig mer nit!“  
„Der Bua ischt in Ganz'n g'nomm' brav!“ “

„Sag' mecht i aber noch a decht wiss'n,  
Hat er nit erst'n Schualmoaster Hoor außgriff'n!“  
„Sa, ja, mei, ischt halt a leichtlōb'ger Bua,  
Und der Schuallehrer hat no Hoor übrig's  
gnua.“ “

„Und noch a, woaßt, muaß i di weiter frog'n,  
Ist's wohr, hat er 'n Pfarrer die Fenster  
eing'schlog'n?“  
„Sa, ja, es ischt wohr, aber du liaber Gott,  
Die Gloferer bet'n a um's täglichi Brot!“ “

„Man sagt, er hab' gor scho a Uhrfött'n g'stohl'n,  
Ißch denn dös wöhr?—'s war zum Tuifl hol'n!“

„Ja, ja, es ischt wöhr, und i laug'n's a nit,  
Dei Bua, woaßt, der hat halt a löbhaf't's  
Gebliät.“ “

„Wo steckt er denn glei, der Saggeraschwanz,  
Den verstohlenen Ragger derschlog' i no ganz!“

„„Iß' hockt er weg'n 'n Stött'l im Kriminal,  
Ober Bauer, dös fog' i der no amol,  
In Ganz'n g'nomm', ischt dei Bua  
brav!“ “

---

### 's Waldmadl.

I mog nit in der Stub'n bleib'n,  
In Wald sein grüani Bam',  
Und in Kaffee kennt's selber reib'n,  
I bleib Ent nit derhoam.

I will Ent woll aff d'Alm giahn,  
Und hütat' Ent ob'n 's Viech —  
Für's Hof'nslid'n dank' i schian,  
I woäß scho meini Schlich'.

Ober Almspeiß und Ed'lweiß,  
Sell will i gearn brock'n,  
Und wenn i Strümpf und Schuach derreiß,  
I strick' und flick' foan Sock'n.

I liab' an finster'n Wildschützua,  
An köd'n braunen Kamp'l,  
Sei' fuzwild's Gschaug', dös sagt mer zua,  
I mog foa Dasterlampl.

---

### **Wie die Leut' röd'n!**

Wie decht die Leut' schlecht röd'n,  
Dös ischt a wahri Schond'!  
Wenn Zwoa drei lödigi Kinder hab'n,  
Hoapfts üb'rol glei':  
Dö hab'n a Gspusi\*) mitanond.

---

\*) Verhältnis.

### Untreu'.

Du hast mer a Supp'n kocht  
Ent'n bein' Heard,  
Hast 'n Jagersbua busselt —  
I hun Ent scho l'heart.

Habt's so schian hoamlig thun,  
Seid's gleim \*) beinond g'hocht,  
Hast an Endsbrock'n Untreu'  
In d' Schüss'l einibrocht.

Jaß' ist mer so üb'l,  
Es würgt mi und druckt,  
I hun g'gleich mit der Supp'n  
Den Brock'n verschluckt.

---

\*) eng.



Gar ischt sov'l groß und  
Mit miar isch es auß,  
I derschlind 'n nit oer  
Und derräusper 'n nit auß.

D'rum sing' i foa Liad meahr,  
Und bin a so still,  
Weil der Brock'n gor nimmer  
Bun Hals außer will.

Wos schauts mer denn nacher,  
Wenn i still und stad geah,  
Dös derf Enk nit wundern,  
I derschnaufs ninderscht\*) meah.

W'rum kochst so a Supp'n,  
W'rum thuast mer dös un,  
W'rum hast sölli Brock'n  
In d' Schüss'l einithun?

---

\*) nirgends.

Schnalzer.

### Fahlg'schoff'n.

Heunt hat der R'rat in Beichtstuaht a a G'frött;  
Nödt ear sein Beichtkind zua scho bald a Stund',  
Dafß 's eintret'n soll in Jungfernbund,  
Und döß sagt halt in oaner Tur: „Na nöt,  
Dös paßt ja nit, und steaht mer gor nit zua!“  
Do schreit in heilig'n Hoarn der geistli' Hear:  
„Ah! Soweit ischt's? — Bist gor toa Jungfer  
meahr?“  
„— Na, na, i bin jo 's Soßlbau'rn  
Dchsenbua!“

---

### Der Mon'\*).

Der Mon' — o döz ischt diar  
A durchtrieb'ner G'söll,  
Der Kerl hocht in Himm'l  
Und f'hearet in d' Höll'.

Wenn ander' Leut' schlaf'n,  
Do digelt \*\*) er um,  
Hatz dick hinter die Dahrn,  
Der ischt diar nit dumm.

Der woäß scho woß guat ischt,  
Der fensterlt brav zua,  
Noa Madlkamm'r laßt diar  
Der Spitzbua in Ruah.

---

\*) Mond.    \*\*) digeln = leise auftreten.

Und miar sogt der Pfarrer,  
I muaß in die Höll',  
Wenn i z' Nachts a siamol\*)  
A Loaterl aufstöll.

Marsch oer vun Himm'l,  
Du spottschlechter G'söll, —  
Oder i weg'n mein Fensterl'n  
A'heahr a nit in d' Höll'.

---

\*) hie und da.

### Niff'n Schiaßfond.

Buab'n! heunt ischt Kaisergob',  
Gehts schiaß'n, Seppl, Beitt!  
I hol' mer g'schwind mein Scheib'nstug'n  
Und mein Augbeut'l.

Hölltuisl! netti Böstlen sein,  
I moan, heunt weards mer g'roth'n:  
Für Ent ischt's Silber a guat gmuag,  
I hol' mer die Duckor'n.

Do Buab'n schaugts in Michl un,  
Macht der a weiti Grit'n\*),  
Bein' Schiaß'n druckt er d' Aug'n zua  
Und trifft die Zielerhütt'n.

---

\*) breitbeinig stehen.

Ob'r 's Birnkloaz'n Seppeler  
Dös höbt as wie a Schrauf'n,  
Der Jörg höbt wie a Lampfchwaf,  
Dös kimmt vun Giggel\*) fauf'n.

Der Florl hat in Datterich\*\*),  
Dös woaf der Zieler Stöff'l;  
Er macht ihm oa Kreuz\*\*\*) noch'n andern  
Mit sein' Suppenlöff'l.

Der Hias hat wied'r an Dreier g'macht,  
Dös ischt der ärgsti Lauser,  
Dear kimmt ja auß'n schwarz'n Moal  
Sei Löbtig nimmer außer.

Der Lenzlipp schiaßt alle z'hoach,  
Es hat mi nit betrog'n:  
Drei Finger über'n Schwarz'n ischt  
Ganz dick der Stab aug'flog'n.

---

\*) Schnaps.    \*\*) Bittern.    \*\*\*) Zeichen für das Fehlen  
der Schelbe.

Alloh! Jag' geiht der Böller los,  
Dös ischt a Biarer g'wöf'n,  
Der Much ischt a bein' Schiaß'n a Bursch,  
Mit trod bei'n Knödlöff'n.

Jag' Buab'n lasst's mi aff'n Stond,  
Jag' hoast's guat außi gugg'n,  
Und höb'n wie a Schrauf'nstock,  
Und acht göb'n aff die Mugg'n.

Juhui! Der Böller hat scho g'schnöllt!  
Dear muaß tiaf innen stöck'n,  
I moan, dös ischt a gleimer Schuß,  
A Biarer werd nit klöck'n.

Der Zieler schmeißt sein Huat in d' Heach  
Und macht an Purzigogl,  
Dös ischt a Zentrum, meiner Seal',  
Ear nimmt die Scheib' vun Rog'l.

Do ischt die Scheib'n! do schaug's hear!  
Dös muaß ma wirkli sog'n:  
So an Schuß, den kunnt ma mit ar Prax'n  
Mit schianer zuachitrog'n.

Faß' Disl bring' a Halbi Wein,  
Kunnt a a Moosß heargöb'n,  
So a Zentrum macht an Öseldurst:  
„Die Schütz'n soll'n löb'n!“

---



### Koan ödler Thoal.

's Puzwastls Bua ischt unter'n Schlit'n kemmen;  
Der Boter hat voar Öled g'roht und g'reart,  
Und wartet iag' voll Angst und Schröck,  
Woß denn der Doctor fog'n weard.

Der moant: „Dei Bua hat halt in Kopf a Loch!“  
Drau' sagt der Wast voll Freud': „„Hun i mi  
iag' entsöht,  
Gott sei's gedankt, Gott sei's gedankt,  
Sicht decht koan ödler Thoal ver=  
löht?““

---

### Basl's Rath.

Du Diand'l, hearst, mörk der fein, woß i diar fog',  
Und laß diar du Miamet nix g'joll'n,  
Und wenn di d' Leut' ned'n und unz'widern\*)  
thoan,  
Muaßt's g'schwind mit der gleich'n Münz zohl'n.

Noch a bist in Respect und ma laßt di in Ruah,  
Und g'wiß foa Mensch halt' die für Narr'n,  
Ja Madele, thua deiner Basl frei folg'n,  
Miar Alti hab'n d' Welt schon erfahr'n.

Und 's Diand'l blinzelt die Basl schelch\*\*) un,  
Und nöstelt am flachset'n Hoor:  
„Mei, Basl, i hun scho a öppez probiart,  
Ober döß vun Respect ischt nit mohr.

---

\*) foppen, herausfordern.    \*\*) eigentlich scheel, dann von der Seite anblinzeln.

Der Grünbau'rnfranzl dört unt'n bei'n Sea  
Hat mer göster' a Buszl otrugt,  
I hun 's ihm wohl z'ruckzohlt mit gleicher  
Münz',  
Ober 's hat mi koan Pfifferling g'nuht.

Die Ruah dö ischt alleweil wianiger woarn,  
Und d'r Respect — vu den will i nit röd'n,  
Via öfter i ihm wieder z'ruckgezohlt  
hun,  
Sov'l meahr hat mer ear wieder  
göb'n.“

---

### **Ja nit glei z'hitzig!**

Ja nit glei z'hitzig sein,  
Und nit glei z'beas —  
I wear 'n Strick nit derschneid'n,  
Wenn i 'n Knopf au derleas.

Und die Leut' nia wöckwerf'n,  
Glei statl unloah'n,  
Wißts, dört und do braucht ma oft  
Spater no oan.

Und spötteln a bisl glei,  
Ober nit z' viel —  
Schlog'n müaßts mit der Goasl,  
Und nit mit 'n Stiel.

W'rum gor so laut schreien  
Wög'n an iadwödern Flögl? —  
Zun Fluig'n derschlog'n  
Do brauch' i loan Schlögl.

---

### Der verliabte Bett'lbua.

's Diand'l, dös weard mi nit mög'n,  
I wear ihr z' viel Bett'lbua fein,  
I hun sölli zaggleti\*) Hof'n,  
In die Schuach koani Laschelen d'rein.

A bissele hatt' sie mi gearn,  
A Fegele\*\*) blinzelt's mi on,  
Und war i nit gor a so zagget —  
I moan, selm hatt' i sie schon.

Sein thuats woll a Kreuz und a Öled,  
I bin halt voll G'frött und voll Noath,  
Die Pfoat gugget überol außi,  
Die Schüächlen sein a scho fuxroath.

---

\*) zerrissen. \*\*) ein wenig.

Hatt' i für mei schlampeti Hof'n  
A zwoa oder drei gleichi Flöck' —  
Die greaßt'n Schränz'\*) thät i mer zuanah'n,  
Und gang' zuer und froget sie köck.

Hatt' i um a Kreuzerl an Bwirn  
Und hatt' i a Schachtele Wix —  
O! da wollt i mi g'wand'n und bürst'n,  
O mei! noch a fahlet si nix.

Aber so weards mi freili nix' nuß'n,  
I bin ihr z' viel Bettelleutbua —  
Geah Diand'l, geah sei nit so hoaggl',  
Und druck' halt an Äugele zua.

---

\*) Riß.

## Ös habts es nit.

A Senner steaht in d'r Apothegg'n  
Und schauht si üb'rol um,  
Und brummelt: „Na, ös habts es nit,  
Höll Tuifl, döz ischt dumm!“

„„Wos wöllets denn““, fragt der Apothegg'r,  
„„Weards söch'n, dafß mers hob'n,  
Bei uns friagts alles Mögliche,  
Sogar derstoß'ni\*) Schwob'n\*\*)!““

Der Senner schauht si wieder um:  
„I nehmetß gearn mit,  
Ob'r mei, es ischt halt umafünst,  
Ös habts es amol nit!“

\*) zerstoßen, gepulvert.

\*\*) Pulverisierte Klischenschwaben werden vom Volke als Heilmittel für Wassersucht geschätzt.



„Um Himm'lswill'n, miar hob'n's nit?  
Sag' muaß i dechter lach'n!  
Miar hob'n viel hundert Trüchlen voll  
Mit allerhand'gi Sach'n!

Und erst in Magazin ischt Zuig,  
Fünf Fuader wur'\*) kam Klöck'n!  
Sagts, was ös wöllts, miar hob'n's g'wiß:“  
„I mecht an Goaslstöck'n!“

---

\*) würde.

### 's Blind'kuahg'spiel.

Die Veni und i,  
Wia mer Fraß'n sein g'wöi'n,  
Hab'n alm Blindkuah g'spielt,  
Noch der Schual und noch'n Döi'n.

Jaß' sein mer längst groß,  
Sie spielt alm no mit miar,  
Stellt si alleweil stockblind  
Und laßt nöb'n miar für.

Jaß' wars scho bald Zeit,  
Dass d' döß Spiel'n verlearnst,  
Geah laß die dertapp'n,  
Miar ischt scho lang Earnst.

---

### 's Ärgsti.

Der Heargott hat viel leid'n müaß'n,  
Kreuz, Öled, Noath und Müah,  
Ober 's Ärgsti hat er nit probiart:  
Verheireth' war er nia!

---

### Du guater Himm'lvoter.

Du guater Himm'lvoter,  
Geah schaug, wenn i schian bitt',  
Hast denn in ganz'n Himm'reich  
Für mi foa Platz nit?

Ob'r isch es richtig g'steahlt voll?  
Geah, frog' a biszl un,  
Vielleicht geahst decht a Heiliger  
Amol in Penſiun.

Wia soll denn i herunt'n löb'n,  
Aff deara beaf'n Welt,  
Wenn mi foan dänzigs Diand'l mog,  
Und uhn' an Kreuzer Geld.

Geah sog' in Deine Engelen,  
Sie mecht'n a bißl ruck'n,  
Sie söll'n halt ihre Flügelen  
A Feßl\*) z'sammenduck'n.

Sog's nu, wia schlecht 's mer doda geah't,  
Und wia mi d' Leut verlach'n,  
Wearst söch'n, die Engel sein scho brav,  
Sie wearn a Blatzl mach'n.

I drucket mi ja gearn z'samm',  
Ins allerkleansti Ögg,  
I machet mi ganz g'wiß recht floan,  
Stand Riamed'n in Wög.

Der Beatrus brauchet wög'n miar  
Mit 's groaßi Thoar au z'thoan,  
I wur' scho wo a Luck'n find'n,  
Oder sünst an Schlupf an floan.

---

\*) ein wenig.

Wollt' i vun Himm'l verlach'n  
Aff d' Leut' und aff die Welt,  
Und aff dö falsch'n Diand'ln a,  
Und aff dö Häuf'n Geld.

Du guater Himm'lvoter,  
Geah schaug, wenn i schian bitt',  
Hast in dein ganz'n Himm'lreich  
Für mi foa Platz nit?

---

### Du warst mer a Jager.

Du warst mer a Jager,  
Z'mos hast die grüan' Flöck\*),  
Bun Guat nimmst die Förder  
Und die Bux'n lögst wöck.

Lass di ja nimmer söch'n,  
Do drinnen in Wald,  
Mach' di hoam hinter'n Of'n,  
Hast aso alm z' kalt.

Du hast koo Kuraschi,  
Lassst leichtli' darvun,  
Lässt a Diarn gleim fürgiahn  
Und rödst sie nit un.

---

\*) grüne Aufschläge.

Du hast a foa Pulver,  
Und kennst foani Schlich,  
Wear a Diand'l nit un derschleicht,  
Dear trifft a foa Viech.

---



## Der Gack.

Mei nuia'r Knecht, ischt döz a Gack,  
Dear Kerl muaß mer wieder wöck.

Die Pfoat, dö wechselt er alli Woch'n,  
Und göster' hat er noch Zigar'n g'roch'n.

A Zahndbürstl hat er a, dö Saü,  
Do heart si d' Gmüatligkeit scho au'.

Heunt hun i'n amol richtig dertappt,  
Hat nit gor der Spreizer a Schneuztüchl g'habt.

Dear verdörbet miar d' Leut' nochanond,  
Wur'\*) bald Niamed meahr schneuz'n mit der  
Hand.

Dear Kerl muaß mer wieder wöck,  
I leid' koan föllen Gack.

---

\*) würde.

### 's Traurigsein.

Miar ischt a nit alm ring\*),  
Wenn i a Lustig's fing',  
's stöckt oft hintern lustig'n Liad  
A recht a schwarz's Gmüat.

Ober 's Ölled und 's Traurigsein  
Derf man nit außischrei'n,  
Dös muaß man recht hoamlig trog'n,  
Noan Mensch'n nix sog'n.

I siech nix als Müah und Plog',  
Hear nix als Samm'r und Klog',  
W'rum soll denn i a no schrei'n —  
Sell muaß woll nit sein.

---

\*) leicht.

### Aus der Bergschual'.

Der Beahrer fragt an Almerbua:

„Sepp sog', wiaviel ischt viermal drei?“

— Der Seppl halt si mäuslſtad  
Und denkt si: G'fragt ischt glei'!

„Jag' stöll diar für: neun Semm'l hast,  
Und drei gib i diar no derzua,

Wos hast denn noch, Höll'ntepp?“

„Ja, noch hun i — gnua!“ “

### So a schwarzer Kaffee.

So an schwarz'n Kaffee  
Kriagst in 'n iadwödern Haus,  
Und sölli schwarzbrauni Madeln  
Dö sterb'n nit aus.

So a schwarzer Kaffee,  
Dear kunn hantig sein a,  
Und sölli schwarzbrauni Madeln  
Kennen grantig wearn a.

So a schwarzer Kaffee  
Macht oan alleweil hoäß,  
Und sölli schwarzbrauni Madeln  
Wol a, wia i woäß.

Ob'r a schwarzer Kaffee,  
Ja, dear rögt oan oft au —  
Hast a schwarzaugets Diand'l, Bua —  
Selm paß au.

---



Und wenns ös in Merika ausg'stieg'n feids,  
Thüats um 'n Sakramentobach frog'n,  
Und wenns ös den Deuyl amol g'fund'n habts,  
Nocha brauchts Enk gor nimmer viel z' plog'n.

Do lögt's halt glei enkri Woll'nstrümpf un,  
Und thüats d' Füaß frei in Bach einihöb'n,  
Und rachts a Pfeif' voll Dreikünigtabagg,  
Und 's Weiteri weard si scho göb'n.

Und 's Weiteri, wißts, döz ischt oansach a so,  
Ös bleibts halt 'n ganz'n Tog hod'n,  
Und z'Nachts, wenns die Har'n vun  
Bach außerziachts,  
Hat an iader a Pfund Gold in die  
Sock'n. " "

---

### 's nächstimol.

Wos i achz', fragt mi 's Diandl,  
Und w'rum i so thua,  
I soll 's glei frisch außersog'n,  
Höd't sie mer zua.

I bin ganz derbattert g'wöst,  
Sun mi nit traut,  
Do ischt sie so stadt woarn,  
Hat so trüab g'schaugt.

„Sag' wart' nu, das nächstimol  
Sog' i diar 's g'wiß!“  
„D 's nächstimol,“ „ sagt sie,  
„Wear woäß, wie 's do is!“ „



Und heunt isch es 's nächstimol,  
I kimm dahear —  
Sag' leit \*) sie in Kammerle,  
Rüahrt si nit meahr.

Und umadum Blüamlen  
Und Liachtlen dernöb'n,  
Die Leut' siech i bet'n und  
Weichbrunnen göb'n.

Sag' kunn i woll plausch'n  
Bu der Tren' und der Liab',  
Ihr G'sichtl ischt broch'n,  
Die Augelen trüab.

Sag' nußt mi foa Röd'n,  
A wenn i mi trau,  
Foa Liab' und foa Zacherle  
Wöcht sie meahr au.

---

\*) Ilegt.

Sie ischt schon in Himm'l,  
I kimm ihr bald nach,  
I siech ja nit ein, woß i  
Do alloan mach'.

Dört wear i's ihr sog'n,  
Wia lieb sie mer is,  
Ja 's nächstmol in Himm'l,  
Dört sog' i's ihr g'wiß.

---

### Der Roblerhias.

Bun Kirchtholgrias  
Der Roblerhias,  
Ja, dear bin i,  
Höllschlappera Saggeradi!

I hatt' woll Flax'n\*)  
An meini Har'n,  
Und meini Rnia,  
Ja dö verlass'n mi nia.

I hatt' woll Brax'n,  
Wia d' Bärntag'n,  
Und Finger d'run,  
Do schaugts dö Hag'l\*\*) un.

---

\*) Sehnen.    \*\*) Hacken.

Bleibts rüamig hoch'n,  
Oder i schlog' Ent z' Brod'n,  
Ja i derdruck'  
Ent mit mein Aug'nluck\*).

I derf mi spreiß'n,  
Kunn raff'n und schmeiß'n,  
Hoas Roblerhias  
Und bin vun Kirchtholgrias.

---

\*) Augenlid.

## Die nuie Kirch'n.

„Ja, Jos“, sagt der Pfarrer, „so geah'ts halt,  
schau',

Jag' hun i mi plagt mit 'n Kirch'nbau.

Und Ent ischt umadum wieder nig recht,

Der Thurn ischt z'nieder, der Hoachaltar  
z'schlecht,

Dös hun i iag' für die Müah und die Plog',  
Undank ist Welt Voahn, so wia i halt jog'.

„Na, na“, sagt der Josl, „dö'ssell derfts  
nit moan',

Es gibt woll a Leut', dö die Kirch' lob'n thoan,  
Und dös weard bei uns scho ganz allgemoan  
g'sagt:

Jag' hob'n mer a Kirch', dö kua Tuifl vertragt,  
So an Saggeraments Thurn und a höllisches  
Dach

Und die verdammt viel'n Heilig'n und's ver=  
teufelti G'mach\*),  
Und der Hoachaltar mit sein malefizsaubern  
G'mol\*\*)  
— Ja verfluachter Kirch'n geits koani  
in Thol. " "

---

\*) Nachwert.    \*\*) Malerei.

---

## Die Stolzi.

Diarn, wos hast für a hoach's Gethua —  
Wos thuast denn so stolz und verschamt,  
Hast 'n Kirchthurn in Babylon 'n Knopf aus=  
g'söht —  
Oder hast vun an Grof'n getramt?

Diarn, du schaugst ja koan Buab'n un —  
Wos machst für a hoachmüatig's G'stöll,  
Du hast ja koa biszl koa Nächst'uliab —  
Diarn, du kimmst in die Höll'.

Bist denn aus gor so an hoach'n Nöst —  
Bist denn aus gor an fein Holz,  
Oder bist öpper sünst öppes Exterigs —  
Diarn, hast du a Trumm Stolz!

---

### Früaher und iatz'.

In früaheri Johr' bin i fensterlen gangen  
Buar Greatl voll Freud' in der Nacht;  
Miar hob'n so hoamlig vun Liab' und Tren'  
plauscht,

Um 'n Hals hats mi g'nummen und g'lacht.  
Und iatz' — wenn i hoamkimm um zwölfi  
oder oanz,

Do padt's mi glei wüathig bein Krog'n,  
So geahts mit der Zeit mit der wörmst'n Liab',  
Wennts wöllts, fennts die Nachbersleut' frog'n.

Mei Greatl ischt früaher an Engele g'wös'n,  
Und damol, da nimmts mi um d' Mitt'n,  
Und hat si zun Andenken mit ar floan Schar  
Vu mein Kopf a braun's Löffl o'g'schnitt'n.



Und iatz' — iatz' reiðts mer d' Hoor büsch' lweif'  
aus,

Die Schar, scheint mer, hat sie verloarn,  
So geahts mit der Zeit mit der wörmst'n Liab',  
Alle Tog' kriag' i a poor zu die Dahrn.  
Und früaheri Johr' hat mei herziger Schatz  
Ganz extera zun Pfeif'n unzünd'n  
Miar feuchteni Spandeln und Reiserlen  
g'schnigt,

So a guati Seal funnst ninderscht find'n.  
Ob'r iatz' — iatz' schnitzelts foa Spandl nit  
mehr,

Iatz' zünd's mer mit 'n umkehr't'n Bes'n,  
So geahts mit der Zeit mit der wörmst'n Liab',  
Hölldeuzl, wia dumm bin i g'wöf'n.

Und wenn mer hat früaher der Kopf weah  
gethun,

Wia hat mi die Greatl fein pflögt,

Die ganzi Nacht hats mer mit leineni Flöd'  
Aff 'n Kopf kalti Umschlög' au'g'lögt.  
Und iag' — nimmts bein Wasch'n a Bett=  
ziach'n hear,  
Und schlägt mer's um die Dahrn und n' Schäd'l,  
So geahts mit der Zeit mit der wörmst'n Liab',  
Söchts Leut', a so macht mer's die Gretl.

---

### Allerjeal'n.

Schwar silberni Ampeln und seideni Schleif'n,  
Mit sündthuiri Prachtfränz' die Gräber zua=  
döckt,  
Aff goldeni Leuchter schiani Rörz'n au'g'stöckt,  
Und Wachter, daß d' Leut' ja nix steahln —  
So sei'rns in der Stadt Allerjeal'n.

Bei üns in die Berg' derhoam sein die Leut'  
z'arm,  
Vun Gold und vun Silber, do wissens nit viel,  
D'rum kemmens halt oans noch'n andern ganz  
still  
Mit an aufrichtig'n Zacherle z'wög'n;  
Meahr können die Armen nit göb'n.

---

## Wos der Herrgott vum Kreuz verschreit.

Bein Kristileid'ng'spiel do geits  
Bloas earnsti, heiligi Sach'n,  
Und decht hob'n's müaß'n amol z' Brizlegg  
Bei all'n Earnst lach'n.

Der Kristus hängt ausg'spannt am Kreuz  
Und leidet fürchterlich,  
Voll Ondacht wart'n d' Leut' no aff  
's Longinus Seit'nstich.

Scho steiht der Kriagsknecht untern Kreuz,  
Boarn Kristus seine Füaß,  
Jaz' tupft ear ihm aff d' Seit'n hin  
Mit 'n öllenlangen Spiaß.

Hat ober — wie dö langen Leut'  
Schon alm All's ungschickt mochn —  
's Bluatblaterle akrat versahlt  
Und in's Lebend'gi g'stochn.

Do schreit der Kristus wüathig an  
Bun Kreuz mit lauter Stimm':  
„D Höll' und alle Tuifl einer,  
Wart', wenn i oerfimm!“

### 's Liab vu der Treu'.

Jaß' hear mit der Klampf'n,\*)  
Heunt bin i derbei,  
A Liab mecht i singen  
Vu der Liab und der Treu'.

Ja wart' nur mei Schatz'l,  
Und Jager du a,  
Hockts Ent darweil nieder.  
I stimm' die Rithar.

Ja warts nu a bisßl,  
I fang' scho bald on,  
Der F ischt no z' nieder  
Und der A gibt koan Ton.

---

\*) Gitarre.

Jaß' greif' i an Dreier —  
Dös stimmt aff koo Trumm,  
Jaß' drah i halt no amol  
Die Schrauf'n umadum.

Jaß' klingts ober z'sammen,  
Es fahlt ji nix meahr,  
Der Dreiklang thuat sauber,  
Jaß' geahts mer in's A'hear\*).

Gragg! springen zwoa Soat'n,  
Boar i ung'fangen hun, —  
Mei Schaß loahnt bein Jager,  
Schaugt 'n kreuzverliabt un.

---

\*) Gehör.

### **Hiasls Moanung.**

Der Hiasl ischt amol bein Marsch z' weit hint'n  
blieb'n,

Do hat 'n glei der Hauptmann an Arrest ver=  
schrieb'n.

Und wie der Hias as nächstimol sein Haupt=  
mann siecht,

Do geiht er uhní Gruaß für aus und macht  
a finsters G'sicht.

Der Hauptmann schreit: „W'rum grüaßt d' denn  
nit, du Rab'nvieh?“

„Herr Hauptmann i hun gmoant, ös  
seids no beas\*) aff mi.“ “

---

\*) böse.



### Wenn i sollt' sterb'n.

Für'n Fall, daß i oamol sollt' sterb'n —  
Woan Zacher derst's rearn um mi,  
A'rod an exterig'n Zacher brauchts a nit,  
Ös örcht's nix — ös Höllsaggeradi!

Sa, i siech's scho bein Toadtenmol hoch'n,  
Die Böttern und Baseln beinand.  
I hear si scho wispern und fispern,  
Die Weinglaseln höb'ns in der Hand.

Sa trinkt's, laßt 's Ent schmöck'n, ös Gvattern,  
Und streitet's über d' Rüah und die Kalb'n,  
Und wear öpper 'n ganz greaßten Mistwag'n  
hat,  
Und wear vun Ent d' fastigste Alm.

Remmts gor aff mi z'hoangertn\*), röds nu —  
Wennts a öppes Schlechts ischt, nur zua,  
I hun mer bei Lööbzeit nix draus g'macht,  
Und i lach' a in Grob drein derzua.

I siech's scho, der Trunk macht Ent g'sprachig,  
Ds naggelts mit die weinduslig'n Röpf,  
Ds fangts hinter die Dahrn un z' kratz'n,  
Und ribbelts\*\*) an enkeri Kröpf.

I g'spür's, mechts mi unfangen lob'n,  
Nam z' glab'n, woß der Wein All's vermog, —  
Geah'ts hoam, schlast's'n Dampf auß, ober  
lob'ts nit,  
Sunst trifft mi no' in Grob drein der Schlog.

---

\*) sprechen, reden.    \*\*) reiben.

---

## Die Bluatög'l hob'n nit biss'n.

Der alte Kreuzbergmartl  
Do draußt von Biberwier,  
Dear höbt'n Apothegg'r  
A Hand voll Ög'l für.

„Do Apothegger, schmöck,  
Dö Ög'l hob'n nit biss'n,  
Sag' d' Wahrhet, hast denn du  
Den Viechern d' Zähnd ausg'riss'n?“

„„Sag' Mart', di spörrns g'wiß  
No weg'n der Dummheit ein,  
S ziach foan Ög'l an Zähnd  
Und söß' ihm a foan ein!““

„Ah nit? — Nar sein mer fertig,  
Hob'n mer ausg'rödt, du und i!“  
Der Martl schmeißt die Ög'l  
Aff 's Bad'ntischl hi:

„Do nimm diar deine Würm'  
Und miar geist glei mei Geld!  
D's Teglpuzer seids mer  
A G'jindl aff der Welt!

Wenn i Ög'l kaf, do will i,  
Dass 's Bähnd im Maul hob'n soll'n  
Ober so a zahnluck't's G'lump,  
Dös soll der Teufel hol'n!“

„„Ja Martl, fog' wo hast denn  
Die Ög'l beiß'n loss'n?““  
„Ganz hint'n, wenns di wundert,  
Aff meiner Werchtighof'n!“

„„Mit Röd'n do weard ma deutsch,  
Siechst, Mart', iatz' glab' is schon,  
Woast aff a'r Werchtighof'n  
Beißt nia an Dg'l on!““

„Ja hatt' i dö graußlig'n Viecher, dö  
löß'n,  
Öpper gor soll'n no aff mei Feirtig=  
hof' söß'n?“

---

### Muaterls Grobstoan.

Mei Muaterle hob'ns mer begrob'n,  
In der Eil' und in Winter in Schneea,  
Sa verstorb'n, vernogelt, vergrob'n,  
Dös vergiß i woll g'wiß nimmer meah.

A winzig kloans hölzernes Kreuzl  
Hob'ns hing'lögt 'n Muaterle z' Füaß'n,  
Und in Löb'n hat sie so stoanschwari Kreuz  
Dertrog'n und umziach'n müaß'n.

D hatt'ns mein Muaterl von alli  
Dö Kreuz, dö 's g'habt hat in Löb'n,  
An oanzigs affs Grabl in Freithof hingloahnt,  
— Nocha hatt's woll an Grobstoan ogöb'n.

---

### Der Duxerhaus bei Leipzig.

Wißt's Deut', in meini jungen Johr'  
Bin i der Drgsti g'wöf'n  
In Raff'n, Schmeiß'n und Haglziach'n;  
Dös kimmt vun Knödl öff'n.

Und wia i hun in Roaser P'heart,  
Do sein mer aff Deutschland außer,  
Und hob'n in Bonapartl g'haut,  
Den gottverfluacht'n Lauser.

Kam dafs mer dört bei Leipzig stiahn,  
Do kemmen die Franzos'n,  
Dö hob'n blobi Rapp'n au'  
Und roathi Pluderhos'n.

Enz Schnauzbart hob'n die Kerl g'habt,  
Audraht wie d' Ragnschweaf'n,  
Verhoff'ne Ros'n und Warz'n drau',  
Und um die Aug'n blobi Reafl'n.

Dö Löter sein diar g'fürchtlig\*) g'wöst,  
Kohlschwarzi, bartige Klach'l;  
Sie sein der hiagern\*\*) Bachseit' g'stand'n  
Und miar stiahn entern Bach'l.

Do kriag'n der unseri Leut' an Schröck'  
Und wearn der kloan verzagt,  
Die General hob'n völlig g'reart  
Und Sterbgebeter g'sagt.

Die Kommandant'n reit'n halt  
Die Front durchau' und o,  
Und galing\*\*\*) fragt a Besserer:  
„Ist der Duxerhans nit do?“

---

\*) schreckbar zum ansehen. \*\*) diesseits. \*\*\*) endlich.



„„Ja sell woll““, rüaf i aſtn glei',  
Und ſtell' mi in Poſition.  
Drau' ſchreiens z'samm': Gott ſei's gedant,   
Ma'r fang' mer d' Schlacht friſch un.

Und wia's mi noch a lozg'höht hob'n  
Und eini aff'n Feind, —  
Herrgott! hun i do umerg'rafft,  
I woafß es no wia heunt.

I fliag' dö Lötter pfeilsg'schwind un,  
Und pack' ſie glei bein Krog'n,  
Und Hoſ'nkupfer hun i g'macht,  
Daß die Noſ'n g'naggelt\*) hob'n.

Und wia i 's gnuag hun deutelt g'habt,  
Dö roath'n Pluderhoſ'n,  
Iſch 's ganze Feld voll Schnauzbart' g'wöſt  
Und voll verſoff'ni Noſ'n.

---

\*) naggeln = wackeln.

Sa, früher bin i Mobler g'wöf'n,  
I dent' heunt oft no drun,  
Wia i z'Leipzig in Bonapart  
Die Schlacht o'g'wunnen hun.

---

### A rechter Tiroler.

A Tiroler, dear hängt an sein' Hoamat,  
Dear hängt an sein Berg und sein Wald,  
Ist er no so weit wöck in der Fremd'n —  
Z'rugg ziachts 'n in's Landl mit G'walt.

A Tiroler, dear laßt si nit biag'n,  
Wia a weideni Ruath'n am Bach,  
Föst steaht er bei Sturm und Wötter,  
Ear machts in die Berg' derhoam nach.

A Tiroler, dear laßt si nix nehmen,  
Dear woaß si scho z' wöhr'n um sei Soch,  
Und schmöckt üns oans einer bein Landl —  
Miar zünd'n ihm scho außi bein Loch.

Und wear ünser Sproch' nit verstiahn kunn,  
Dear hat mit üns z' röd'n koan Grund,  
Miar nehmen wög'n so oan ja dechter  
Ganz g'wiß koa franzöjisch Stund'.

Wear rechte Tirolerleut' kennt hat,  
Dear woaß woll a bald, wie sie sein:  
Nit duck'n, nit buck'n, nit friach'n,  
Aufrichtig in Herzkammerl d'rein.

A Tiroler, dear hängt an sein' Hoamat,  
Dear hängt an sein Berg und sein Thol,  
A Tiroler, dear hängt an sein Roaser —  
Hellau' ünser Land'l Tirol!"

---

### Die Plog'.

Die Rosl vun Grob'n  
Dö muaß no mei wearn,  
Dö laß i nit auß.  
Kreuz Dunder und Stearn.

Und ent'n bein Baun,  
Do hun i's ihr plagt,  
Dass mi die Liab zu ihr  
Gor sov'l plagt.

Die Hand hats mer groacht  
Und g'sagt: Liaber Bua,  
Miar heirath'n z'sammen,  
Und du hast a Ruah.

I hun mi ihr verschrieb'n  
Mit Seel und mit Leib,  
Sag' plagt mi d' Liab nimmer,  
Sag' plagt mi mei Weib.

---

### A Unglück.

A Unglück ischt g'schöck'n!  
Ja wo denn? Bei wem? —  
Do auß'n in Wald  
Bei der Rohlbrennerhütt'n  
Do ischt oan a Radl  
Gebroch'n bein — Schlit'n.

---

## Die Falschi.

Dei Göschl ischt so winzig kloan,  
I kunns nit verstiahn,  
Wia bei so an kloan Thürl  
Sölle Lug'n außergiahn.

Sag' bist giahn so roath und weiß,  
Bun Kopf bis zun Fuuß,  
Und 's Herzl hast g'steaßt \*)  
Voll Rohlbrennerruäß.

Wos schaugst so fromm ummer  
Mit dein' Kristkindlg'sicht —  
Du rob'nfalsch's Tuisele,  
Wart', wos diar g'schiecht!

---

\*) gepfropft voll.

---



### **3' thuir.**

A Zucker — a Riß, und heraußt ischt der Zahn!  
 Was decht iag' der Fortschritt und d' G'schicklich-  
 keit kann.

Und die Bäurin fragt, was sie schuldig war:  
 „Ein Gulden, Frau, ist Honorar!“

„A Guld'n? — Zu Ent geah i nimmer meahr,  
 Ds seids mer 3' thuir, mei liaber Hear!“  
 „Aber Frau! Ich hab' Sie bedient mit Geschick,  
 Es war ja vorüber im Augenblick!“

„Der olte Bader, a grundg'scheider Mann,  
 Hat miar amol g'riss'n an Aug'nzahn,  
 Und g'arbet hat er a Stund' a zwoa,  
 Aff d' Gass'n hat man k'heart mei G'schroa!“

Dear hat mi in der ganz'n Stub'n umzoch'n,  
Mei Zahnd und sei' Zangen ischt ihm derbroch'n  
Und g'rech'nt hat er — ös derrathets 's nia,  
Zwoa Zwoanz'ger für sei Dselsmüah.

Do hat man decht öppest g'habt derbei,  
Und ös für dö hoamlige Tupferei  
Nichts glei an Guld'n oder meahr,  
Ös seids wer z'thür, mei liaber  
Hear!" "

### **Noa Stearn.**

Du Muater woast, wie i a floaner Bua bin  
g'wöf'n,

Du hast mer aff der Hausbank schreib'n g'learnt  
und löf'n,

Und unter n' Perschbam sein mer g'hoct oft  
neb'nanond,

Und oerg'söch'n hob'n mer vu der Hütt'n weit  
ins Lond.

Und g'wartet hob'n mer mitanond in unser'n  
Angerl d'rein,

Bis d' Rüh' und Rälber hoamzua klingelt  
klingelt sein.

Es sein die Stearn kemmen, Nacht isch's woarn  
in Thol,

Du Muater, woast wie d' nacher g'sagt hast  
allimol:

Iaß' Bua geah hear, i mach' der s' Kreuz und  
gib d'r'n Sög'n,  
Die Stearn leucht'n schon, iaß' muaßt  
di niederlög'n.

---

Die Johr sein gangen, pfeilsg'schwind sein sie  
ummerg'slog'n,  
Die Bank ischt g'fault, die Hütt'n hat der Wind  
vertrog'n,  
'n Kerschbam hob'n's umg'hacht schon voar viel  
viel Johr,  
Und weiße Blüah ist g'slog'n kemmen aff mei  
Hoor.  
Mi hat der Wind packt, hat mi in der Welt  
umblas'n,  
An Hund hob'n d' Leut woll g'suatert, mi hob'n's  
hungern lass'n.  
Bin ummerg'wandert uhni Glück, hun All's  
probiart,  
Kvan oanzigs Wögl hatt' mi zu an Nöstl g'föhrt,

Hun oft zun Himm'l g'schaut, ober nia an Stearn  
g'söch'n,  
Und Händ' und Füaß und 's Gnack hatt' i mer  
können bröch'n,  
Noan oanz'gi Mensch'nseal' hatt' si um meiner  
g'sheart,  
Noa Sahnl hatt si g'rüahrt, foa Muckjerle hattst  
f'heart.  
Sag' kimm i z'rugg, derraggert, zittig und voll  
Noath,  
Lafstz miar die Muater hol'n und schicktz mer  
um'n Load.  
Gel Muater, iaz' wearst nimmer so wia dört'n  
fog'n,  
Woast aff der Hausbank dört, wenn d' Stearn  
g'leuchtet hob'n,  
Sag' fog': Gea hear, i mach' der 's Kreuz und  
gib der 'n Sög'n,  
Diar leucht' foa Stearn Bua, du muast  
di niederlög'n!

---

## Die folgamen Leut'.

Der R'rat hat in der Prödig' g'sagt:  
„Mit'n Kreuzer muß't's sparn unhöb'n!“  
Drauf hab'n ihm d' Leut' bleas\*) Hof'nknöpf'  
In'n Kling'lbeut'l göb'n.

---

\*) nur.

### Die löschti Frog'.

Der Schnaggelerhias ischt vun Bam oerg'fall'n  
Und liegt as wia toater in Groß,  
Und die Leut' lamentiarn d'rum ummer,  
Ja ischt er scho hin oder woß.

Die Trina vun Nachber, dö woaß scho an Roth:  
A Glasl voll Wasser thüats 'n göb'n,  
Weards söch'n, a Wasserle frischt 'n scho an,  
Do ziacht er scho wieder zun Löb'n.

Und wia's ihm halt nacher a Wasser bracht hob'n,  
Hat der Hias a floans Schnauferle thun,  
O Jögges, schreit d'Bäurin, iag' stirbt er mer gor,  
Um Gott'swill'n röd', lieber Mun.

Und angstigt di öppeß, da laß mi's decht wiß'n,  
A Deuter, schaug, ischt mer scho gnua,  
's Testamenti hast woll a bei Zeit'n scho g'macht,  
Gel, 'n Hof kriagt der ältesti Bua.

Und's Gerst'nfeld machst der Mariandl, derkloan,  
Gel, Hiasl, geah schleun' di und deut',  
Aff'n G'wiß'n wearst öpper woll a nix meahr  
hob'n,  
Gel, die Sünd'n hast a schon bereut.

O Zöffas, schreit's Schuasters Regina,  
Jaß' hat er al'rat wieder zucht,  
Ganz g'wiß liegt 'n a Trumm aff sein G'wiß'n,  
Wos 'n iaget voarn Sterb'n no druckt.

Habts g'söch'n, wia er deutet und blinzelt und  
zucht,  
Jaß' schnauft er — er mecht öppeß sog'n,  
Ös, Bäurin, geahts rödt's 'n in's G'wiß'n,  
Dear muaß an schian' Sünd'npack hob'n.



Der Hias höbt un z' zappeln und streckt si nach  
längs,

Und richtig: Ear kimmt zun Verstand,  
Die Bäurin knialt g'schwind voar ihm nieder  
Und nimmt 'n recht fluag bei der Hand.

Schaug, Hias, geah befenn', wos hast ung'stöllt,  
I mach' ja in Schod'n wieder guat,  
Und du derfst na'r derwög'n nit z' leid'n  
In der Höll' in dear damischen Gluat.

Hast öpper bein Nachbar an Markstoan versöht,  
O mei, o mei! G'schöck'n isch's bald,  
Oder hast bein Wiart sex Halbi trunt'n,  
Und frod drei oder viare gezahlt?

Der Hias sagt: „Na, na, i mecht frog'n mit Verlab,  
Wia hoach i denn oerfugeln müäst,  
Bis ös miar g'statt an Glasl voll  
Wasser

A Tröpfele Wein göb'n laßt.“

### A Sizamt.

„Du Pfarrer, sog', wiathuir bist mit die Möss'n?"

„„Sechz'g Kreuzer kriag i halt für's Löss'n!"

„Wos willst aft für a g'sungen's Amt?"

„„Dös kost' zwoa Guld'n!" — „O verdammt!"

„Und wos kost' denn aft dös oan',

Wo no zwoa G'söll'n helf'n thoan?"

„„A Sizamt, moanst? — 4 Guld'n z'sammt'n  
Sög'n!"

„Do hast an Fünfer, kunnst di aft gor  
niederlög'n!"

---

### Der löschti Trost.

Ich bin halt ganz verlass'n,  
D' Leut' weich'n aff der Gass'n,  
Als war i a giftig's Viech.  
Weil i oamol g'stohl'n hun,  
Lass't All's voar miar derbun,  
Derf mi nit blick'n lass'n.

Do hear i 'n Pfarrer sog'n:  
Schaugt's Leut', müas'ts nia verzog'n,  
Und wenn Ent All's verlas't,  
So geah'ts in's Gotteshaus,  
Dört schüttelt's 's Herzload aus,  
Und thüat's 's 'n Hergott klog'n.

Ich hun 's ihm flog'n wöll'n,  
Und schleich' mi zuar Rappell'n,  
Glei sagt der Meßmer: Marsch!  
Wos hast denn du do z' suach'n,  
So a Lump soll g'scheider fluach'n,  
Gel! möchst die Leuchter stehl'n!

---

### Der Glibischthee.

„Hear Docter“, sagt a Bau’rnweib,  
„Bun Bau’r an recht schian’ Gruaß,  
Der Thee dersticht’n ’n ganz’n Hals,  
Ob er ’n no weiter nehmen muaß!“

„Geah’ts Bäu’rin rödt’s foan Stiefl z’samm!  
An Glibischthee, sagt’s ös, dear sticht?  
Sicht denn der Bau’r bocknarrisch woarn?  
Wia hab’ts ihm denn den Thee ung’richt?“

„Halt g’lot’n hun i’n in an Hof’n,  
Na’r ’s dröckige Wasser außig’schütt’,  
Und ’s Dicke hun i’n z’ öff’n göb’n,  
Ob’r ear vertrogt in Thee halt nit.“

---

## Die Liab'.

Die Liab' gleicht an Da  
In an Vogel'nöst drein —  
's weard bruatet und g'warmt,  
Nix g'jungen, nix g'larmt,  
Ganz still muoß es sein. —  
Und aff oamol schlaft's aus.

Und wenn 's aus'n Da ischt,  
Weard 's pflögt, wie si's l'heart —  
Weard hin= und hear g'flog'n,  
Wear'n Bröcklen zuatrog'n,  
Dass es g'wiß nit verweahrt. \*) —  
Und aff oamol fliaht's aus.

---

\*) verdirbt, stirbt.

## Der Bärnhias bein Landsturm.

Wia d' Leut' in Kriagsjohr 1809

Vun üb'rol hear mit'n Landsturm zoch'n sein,  
 Ist a der Bärnhias durch's Thol ausgang'n,  
 Nix hat er, wie an Morg'nstearn, an lang'n.  
 Weil dö vun Landsturm decht a g'wöhnlig  
 Bär'n frog'n,

D'rüm schaug'n d' Leut', und oaner höbt un  
 frog'n:

„Ja Hias, woß ischt denn döß, hast du foan  
 Stuß'n?“

„„Na!““ — „Dear Kolb'n weard di ober nit  
 viel nuß'n!“

Wart' nu, i schaug' der um a Bär, gel jo!“

„„Na!““ Ja sog', w'rum willst denn frod den  
 Schlögl dö?“

„„Dear, den i mit an Stuß'n niederschias,  
Ischt oansoch hin und zwozelt\*) nix,““ so moant  
der Hias;

„„Ob'r wear den Kolb'n kriagt, ischt nix z'  
beneid'n,

Dear muaß mer z'erst a Weil no Gfrißer  
schneid'n!““

---

\*) sich krümmen.



### 's Buchthauschiajele.

I bin halt 's Buchthauschiajele,  
All's kennt mi, Jungs und Alts,  
Und wenn's no lang so weiter geht,  
Ma'r packt mi gor der Stolz.

Koa Wunder war's, man weard verwöhnt,  
Mei Namen hat an Klang,  
Bin gor schon in der Zeitung druckt,  
A zwoa, drei Seit'n lang.

Um andri Leut', da fraht koa Huhn,  
Dö laßt ma seitlings stiahn —  
Miar laß'ns oft a Trumm weit nach  
Und hoß'n mi mittelt giahn.

Der Staat derhalt mi umasunst,  
I hun a Protektiun,  
Gar gibt mer Kost und a Quatiar,  
Und lögt mer a G'wandl un.

Und nobli Hearn röd'n mit miar,  
Und frog'n mi, woß i mach',  
Und was i sog', muaß dumm nit sein —  
Dö Hearn schreib'n All's nach.

Und oft amol mach' i a Roas,  
Fahr' mit der Eisenbuhn,  
Weil i in Sub'n und a in Stoan\*)  
A Landbesizung hun.

Prod oans, döß stimmt mer nit recht z'samm',  
I bin halt wianig frei —  
Sell muaß die Hearn a oft gift'n  
In ihnerer Kanzlei.

---

\*) Suben und Stein, zwei große Strafhäuser.

Ober gor All's funn ma nit verlangen,  
Dös war a bisäl z' viel,  
's gibt aff der ganz'n Welt loan Mensch,  
Dear All's hat, wos er will.

---

### Mei Bitt'.

Sög Bröter,  
Sög Troger,  
Sög Schuach in der Gard',  
Und a Kranzl grüani-Dar'n  
Aff's Grabl — habts f'heart?

Sög Rörz'n,  
Sög Liachter,  
Und a Kreuzl von Holz —  
Ober an aufrichtig's Bacherl  
Dös machet' mi stolz.

---

## Der Herrgott und der Peater.

Wie ünser Herrgott und der Peater  
No aff Gard'n g'wandert sein,  
Do hob'n's g'sparig löb'n müaß'n,  
Und oft nit g'wüßst, wo auß und ein.

Und oamol sein sie boad' hunds müader  
Zun an Bau'rnhöfl kemmen,  
Und hob'n in Schaffer gor schian bitt',  
Ma mechtz ins Logwerch nehmen.

Weilz just Frod Roarn g'schnitt'n hob'n,  
Do sagt der Bauer: „No,  
Wenns sunst halt gor soa Arbet kriagtz,  
So bleibtz in Gottsnum' do.

Ob'r austiahn müßts mer in der Früah  
Um a halbe Viari g'schwind,  
Sünst Mannder, weards foan Guat'n rach'n —  
I nimm Ent glei bein Grind\*)."

Drau fñahrt er 's auer in die Kammer  
Zun an dopp'lspannig'n Bött:  
„Do lögt's Ent boade neb'nanond,  
Bergöfst's mer 's Austiahn nöt."

Kam lieg'n jie, do schnarch'ns a — — —  
Die Sunn scheint scho nit schlecht,  
Und All's ischt au in ganz'n Haus,  
Bis aff die nuien Knecht'.

Voll Boarn kimmt der Bauer z'wög':  
„I wear Ent zwoa scho wöck'n!  
Zun Vormuas \*\*) geits heut' Tachteln o,  
Und aff Mittag in Stöck'n."

---

\*) Kopf    \*\*) Frühstück, eigentlich Vormess = vor der Messe.

Und der Bauer in sein Öfelzjoarn  
Langt eini unter d' Döck'n  
Derwischt in Peater bei der Wand,  
Und thuat ihm d' Dahrn ströck'n.

Nacher ischt der Laggel wieder gangen.  
In Peater ischt dös z' dumm:  
„I mecht' no schlaf'n, ober i moan,  
Dear Geist geiht no amol um!

W'rum greift der Kerl denn überein,  
Bis hint'n zu der Wand?  
Der Herrgott war do auß'n g'lög'n,  
Und nöchner \*) bei der Hand.“

Und ünser Hear schlaft rüawig fort,  
No G'schroa hat 'n auderwöck't,  
Der Peater schiaht 'n geg'n die Wand  
Und hat si auß'n niederg'lögt.

---

\*) näher.

„Wenn iag' der Lämm'l z'wög'n kimmt,  
Langt er wieder überein,  
Nacher weard 's amol der Herrgott g'spürn,  
Wie grob dö Bau'rn sein.“

Und richtig kimmt der Bau'r derhear,  
Und fluacht und wettert, schreit:  
„Bermunsch'n und vermaledeit,  
Sein dö's stinkfauli Leut'!“

Der Beater hat scho hoamlig g'lacht:  
„Jag' Herrgott, nimm di z'samm',  
Dear Voter ischt foa guater nit,  
Do kriagst dei Portion.“

Der Ruach\*) geiht wieder hear zun Bött:  
„I wear Ent zwoa scho kemmen!  
In Hintern hun i früaher tschopft,  
Jag' wear i 'n Boadern nehmen.“

---

\*) Grobian.



Der Peater macht a stroahdumm's G'hicht,  
Zun Sach'n ischt 'n nimmer.  
Der Bauer gibt ihm hinter d' Dahrn —  
Recht öfelslangi Trümmer.

Faz' endli macht der Herrgott au':  
„„Gel Peat'r, a grober Wiart!  
Siechst, warst fein hint'n lieg'n blieb'n,  
War diar nix meahr passiart.“

Der Peat'r knurrt: „Und war i blieb'n,  
Dös woaß i ganz a'rat,  
Dass der Bauer nacher a 's zwoatimol  
In Hinter'n beutelt hatt'.“

### 's Schreib'n verlearnt.

Der Kirchbau'r soll bei G'richt sein Namen  
schreib'n;  
Und weil er ölled bei der Föder ischt,  
So sagt der Richter: „Nu, nu, plagts Ent nit,  
Nachts halt drei Kreuzlen hear, als guater  
Krißt!“

Zwoa Kreuz hat 's Bäu'rl richtig g'wög'n bracht,  
Ober na'r ischt's aus g'wöf'n mit der ganz'n  
Kunst,  
B'jammt, daß er 'n Föderstiel gor gleigger\*)  
frisst  
Und schwißt wie Hund — es ischt halt All's  
umfunst.

---

\*) beinahe, fast.

„„Hear Richter, söchts, i hun scho a Mallär,  
Mit oan Schlog kimmt a Unglück oft in Wög;  
Jaz' hun i aff oamol 's Schreib'n ganz ver=  
learnt,  
I bring' dös dritti Kreuz'l nimmer  
z'wög!“

---

### 's Muaterls Plog'.

„D mei, o mei“, hats Müaterle oft g'sagt,  
„'n liab'n Herrgott sei's vieltausendmol geklagt.  
Woß hat man Plog' mit so an floan Student,  
Und Sorg' und Kummer nimmt halt nia a End'.  
Ja wenns der Seppel bis zun Geistlig bracht —  
I bet' derfür woll oft die halb'n Nacht' —  
Da wüßst' i woll voar Freud' nit, woß i that,  
Mei Sepp a G'söllhear\*) oder gor a K'rat!  
Und vu den Augnblick wars auß mit Sorg und  
Plog.

Djö! döß war woll a furioser Tog.  
Ja, uhni Sorg', sell war i nacher g'wiß,  
Weil ear mit Leib und Seal' als Geistlig  
g'sichert is.

---

\*) Cooperator.

D mei, bis dört rinnt woll viel Wasser über'n  
Inn,

I glab' gor nit, daß i so lang bein Löß'n bin.

---

's rinnt 's Wasser unter der Innbrugg' Johr  
für Johr,

Und oamal steaht a junger Geistlig voarn Altor,  
Und weiter unt'n, in der earst'n Bank,

Anialt ünser Müaterl, sagt 'n Herrgott Dank,  
Ihr Seppl ischt ja iaz' a geistler Hear,

Iaz' gibts für 's Müaterle kwan Kummer meahr.  
Als Geistlig ischt er ja mit Leib und Seal'

geborg'n,

„D Gott, i dank', i dank', iaz' bin i uhni Sorg'n.“

Und 's Müaterl laßt vun groaß'n Roas'nfranz  
oa Grall'n

Noch der andern vu di mogern Finger fall'n.

Und voller Freud' schangts dört und do zum  
Seppl hin,

„Koa Mensch glabt, wia i iaz' so glückli bin.“

D' Mößs' dauert lang und will foa End' nit  
nehmen,

Saß' ischt er erst zun Ewangöli kemmen.

Saß' blattelt er in'n Mößsbuch um so lang,  
Die Muater schaukt — es weard ihr angst und  
bang.

„O Fögges, wie er suacht, mei Gott, i bitt' —  
I moan, er findet die Gebeter nit.

Und ias' — er singt so laut, döz schadt 'n g'wiß,  
Weil er vu floan au brustschwach g'wöf'n is.

Und bod'n nüachtern — 's kunnt 'n üö'l  
wearn“ —

's Müaterle fangt still un z' rearn. —

Die Wandlung kimmt — die Leut' knialn alli  
nieder,

Und ünser Müaterl angstigt si scho wieder.

„Die Wandlung ischt jußt 's hoaglsti vun ganz'n  
Amt,

Und wenn er öppeß falsch macht, weard der  
Sepp verdammt.

D liaber Herrgott, steah ihm dechter bei,  
Dass er ja gwiß koan Fähler macht derbei.  
Und wenn er si halt decht vielleicht vergach'n that,  
Gel, sei so guat, verzeich 'ns halt.  
Und druck' halt decht an Aug'l zua,  
Er löst ja heunt' das erstimol, der Bua!" —  
Wia d' Muater noch ar' Weil vun Buach  
au'schaugt,

— Do hat sie ihr'n Aug'n gor nit traut:  
Der Seppel ischt ja scho bein lösch't'n Evangöl,  
Dös ischt nit möglich, sei die G'schicht wias wöll',  
Mei Gott, a Unglück ischt bald g'schöch'n,  
Z'löscht hat der Seppel öppes übersöch'n.  
Es ischt 'n Müaterle viel z' schleunig gangen,  
Sie moant, der Sepp hat g'wiß a Sünd' be-  
gangen.

„Z'Fleiß woaß i woll, dass dös mei Sepp nit thuat,  
Ober g'fahlt ischt bald — er siecht nit guat,  
Gel, liaber Herrgott, hob' ihm's nit für übl',  
I lös für ihn sörg Seit'n morg'n in der Bibl.“

Nach 'n Kirch'n humpelt 's Mäterle voll Plog'  
In d' Sakristei und thuat an Sepp die Frog':  
„Sepp, hast woll g'wiß koan Fähler g'macht?“ —  
Der Bua hat 's Mäterl bußt und g'lacht. —  
Siechst Mäterl, d' Sorg' nimmt halt koa End',  
Und wia sie g'habt hast mit 'n kloan Student,  
So wearst 's a hob'n mit 'n geistlig'n Hearn,  
Die Mäterl'n sein zu Plog' und Rum=  
mer aff der Gard'n.

---



## **Rod um a Hoor.**

Der Hiasl sagt zun Sepp:  
„Verfluacht, megst do nit aubegeahrn,  
Miar geiht halt gor All's schiaf,  
Sünst hatt' i kunnt a Sänger wearn.

Und g'löbt hatt' i mia a Gros,  
Und Geld hatt' i mer kunnt verdian,  
Ober i hun halt a Böch,  
Und g'jungen hatt' i z' Sprugg\*) und z' Wian.

Satz' denf der den Verdruss,  
Rod um a Hoor hats dösmal g'jahlt,  
I war zun Singen g'jchaff'n,  
Die oanz'ge Stimm' verfolgt mi halt.

---

\*) Innsbruck.

### **İ bin toa Mensch.**

İ bin toa Mensch, i bin a Biech,  
Sell woaf i längst scho guat,  
İ fiech ja, wie mit miar die Bas'  
Umgeah't und röd't und thuat.

„Wos ischt denn, habts 'n g'fuatert?“  
So hear i sie oft frog'n.  
Drau sagt die alti Ruchsbarn:  
„Gar weard scho g'fröff'n hob'n.“

„Bs — bs — will söch'n, ob d' heargeahst“,  
Lockt oft die Basl a Stund,  
Und oamol sein mer boadi kemmen,  
İ und der Rött'nhund.

Und voarnacht\*) hat's zum Vötter g'sagt:  
„Kreuzdunder und Stearn fix,  
Ear ischt alm 's gleichi Boanerg'stöll,  
Ear möstet si gor nix.“

Do dent' i mer: Hast Zeit, dasz d' geahst,  
Geah mach' di glei durcho,  
Sünst, wenn du a biszl g'möstet bist,  
Do stech'n's di no o.

---

\*) vorgestern.

### **Bernaafswahl.**

Der Pfarrer, dear söchets gearn,  
Kloasterfrau sollt' i wearn,  
I hatt' an Bernaf derfür,  
Sagt er zu miar.

Jaß' Klaus, wos moanst du derzua  
Wos i denn öpper thua,  
's ischt halt a hoagli Sach',  
Wia i's do mach'.

's Kloster ist z' leicht für miar,  
I nahm' mer's viel g'strenger für,  
Siechst Klaus, mi dunkets fein,  
Klausnerin z' fein.

---

### Mei Freithof.

Sag' ischt mei Liabsti toadt,  
Sag' hun i All's verloarn,  
Ischt aus mein frisch'n Herz  
A stiller Freithof woarn.

Unter an iad'n Kreuzl liegt  
A seliger Aug'nblick,  
Unter an iad'n Grobstoan schlaft  
A Stückl vun mein Glück.

Und mit mei'r ganz'n Liab  
Run i iag' nix meahr thoan,  
Als grüani Kranzlen bind'n  
Für meini Leich'nstoan.

---

### Holz knecht = Bußeln.

Wie i bin a Madl g'wöst  
Mit drei a zwoanzig Johr,  
Do hun i no nia bußelt g'habt,  
's ischt traurig ober wohr.

Mein Gott, ma kimmt oft hart derzua,  
Die Buab'n — döz sein Spreiser,  
Und Bot'r und Muater göb'n Acht  
Als mia die Gastlbeißer.

Probiarn muafzt es, denk' i miar,  
I wear miar um oan' schaug'n,  
Der Holz knecht Hiasl spigt schon lang  
Mit feini Raß'naug'n.

Er ruckt schon allweil nöchner hear  
Fangt hinter'n Dahr un z' trag'n,  
Er tatschelt schon mei Wangen o,  
Mit seini Bär'ntag'n.

Und wie mer halt so umerröd'n,  
Do weard der Hiasl warm,  
Er zwickt mi schon voar lauter Liab'  
Vertuifelt in mein' Arm.

„Hearst Madl, iag gib a Bussl hear!“  
— „Ja i woaß nit, wie man thuat!“  
— „Laß mi nu mach'n“, sagt der Hiasl,  
„Woascht, buffeln kunn i guat!“

Dei' G'nad döß muaßt iag hinteri höb'n,  
Und 's Göschl röck weit vor!“  
Drau' packt er mi bei Hals und Krag'n  
Und fahrt mer in die Hoor.

„Du Hiasl sag i, nit so grob,  
I kriag ja gor koan Dth'n!“ \*)  
— „Soll ischt miar gleich, du brauchst iaz koan,  
Kriagst Busseln nach die Not'n!““

„Aber Hiasl, dös verspricht mer, gelt,  
Sei halt nit gor so faul,  
Thua öpper voarn Busseln decht  
Dei — Pfeif'n aus 'n Maul!

Sag soll i vu die Busseln rüb'n?  
Dös lass' i liaber bleib'n!  
Mit'n Schnauzbart ischt er umergfahrn,  
Als wollt' er Bod'n reib'n!

Und heunt no hun i 's ganze G'sicht  
Voll roathi, blobi Glöck,  
Dö bring' i mit koa'r Soaf'n und  
Koan Spiritus a wöck.

---

\*) Athem.



Und weil i schon in Röö'n bin,  
Satz sollts dös a no wiss'n,  
Er hat mer untern Busseln gor  
In d' Nas'n einibiss'n.

Drum Madeln, wenn i rath'n darf,  
Do gib i halt den Rath:  
Laßt's Ent nie von an Holzfnecht buss'n,  
Der nit an Maulkorb hat.

---

### Gnati Ausſicht.

D' Liab hat mer mei Diand'l iag' kündet,  
Ent'n bein Bam hintern Haus,  
Pfūat di! I rear\*) diar nit noch,  
Pfūat di! I mach' mer nix d'raus!

Weard scho no a nanderi göb'n,  
Dö mi a kloans bißl mog,  
Dö miar a bißele zualoß,  
Wenn i ihr hoamlig woß fog'!

Weard scho no a nanderi göb'n,  
Dö d' Hand miar a bißele druckt,  
Dö ji zu an bißl an Bußl  
A kloans bißl streckt oder buckt.

---

\*) weinen.

Geah i außi aff d' Gass'n, aff d' Wief'n,  
Außi in d' Weit'n, ins Land —  
O du mei himmlischer Vater,  
Wos laß'n do Gitsch'n\*) umanand!

---

\*) Mädeln.

### In den Punkt.

Der Wiartsfranz hat mi außig'schmiß'n,  
Und geit mer no an Tritt —  
Dös hatt' mer gor foa bißl g'macht,  
— Empfindlig bin i nit.

Ob'r a Grobheit hat er a no g'sagt,  
Dös hat mi gift dervun;  
In den Punkt kenn' i gor foan G'späß:  
I nimm foa Grobheit an.

---

## Der Seppel hat die Wohl.

Der Stoanerseppel hat amol  
An Avikat an Dö'l g'nennt,  
Und dös hat ear ihm üb'l g'nommen  
Und ischt 'n flog'n g'rennt.

Die Hearn bei G'richt sein damisch\*) nobl,  
Und lass'n in Sepp die Wohl:  
Entwöd'r hoch'n oder zohl'n,  
Oder zwoanzig Stockstreach aff amol.

Ja mei, so denkt bei si der Sepp,  
In Loch drein brauch' i nix zun Löb'n,  
Spörrts mi nu ein, z' was soll i denn  
Mei z'sammg'sport's Geld heargöb'n.

---

\*) ungeheuer, sehr, überaus.

Sie pack'n ihn z'samm' und spörr'n en\*) ein  
Und sog'n: „Guat, ischt scho recht!“ —  
Der Hirt ischt grob, die Stub'n kalt,  
Die Kost vertuifelt schlecht.

Noch 'n dritt'n Tog, do moant der Sepp:  
„Kennts mi um 'n Bugg'l bloß'n!  
Do drein that'ns oan afkrat derfriarn,  
Und a derhungern lass'n!

Do will i scho viel lieber no  
Zwoanz'g Prügelen dertrog'n,  
Krod gor so müathig öpper weard  
Der Stocknecht decht nit schlog'n!

Guat wearn mer d' Wischer a nit thoan,  
Ober i druck d' Aug'n zua,  
Und isch es für, do bleibt mer's Geld,  
Und i geah hoam in Ruah.“

---

\*) ihn.

A recht! der Sepp hat ja die Wohl! —  
Sie lög'n en aff die Bank wie a Schoß,  
Und richt'n en recht kommod, so wie 's  
Der Brauch ischt bei dear Strof'.

Der Stocknecht kennt gor foa Maniar,  
Und haut as wie nit g'scheid!  
Der Seppel schreit: „I lieg' nit guat,  
Lafst's Enk a bisäl Zeit!

Mit gor aso! Lafst's Enk decht Weil,  
D's hauts mi zun an Kraut,  
Verfluacht! miar tanzt's scho voar die Aug'n,  
Nurveh! dear Spizbua haut!“

Noch 'n acht'n Stroach, do weards ihm z'dumm,  
Do schreit der Sepp voll Gall'n:  
„Höll' Tuifl! hearts, dös ischt foa G'spaß,  
Do will i lieber zohl'n!“

A recht! Wenn oaner Geld heargeit,  
Hat 's G'richt gor nix dergög'n,  
Der Sepp hat zohlt und ischt derhoam  
A Woch' nit aff 'n Rugg'n g'lög'n.

„Sepp!“ sog'n d' Leut', „bist g'hoctt, hast zohlt,  
Und hast di lass'n schmiarn!“  
„Ja, wenn man d' Wohl hat,“ moant  
der Sepp,  
„Nacher thuat man halt probiarn!“

---



### A dummi Frog'.

Der Franzl fragt 's Mannele hinter der Stiaq':

„Megst mer nit fog'n,

Wos muaß i iag' thoan, daß i a Bußl kriag'?“

„ „Nit so dumm fog'n!“ „

### 's erſti Wörtl.

Miar ſein beinander g'hoct,  
's hat koanz a Wörtl g'ſagt,  
Miar hab'n bei aller Liab'  
A bißl g'stritn g'habt.

Sie — koan oanzigi Silb'n,  
I — koan oanzig'n Laut,  
Es hat a niads von uns  
Aff d' anderi Seit'n g'schaut.

G'würgt hat's mi woll und druckt,  
Und ihr war's ſchwar und hart,  
Miar hab'n allizwoa  
Aff's erſti Wörtl g'wart'.

Sie — a truſſig's Madl,  
I — a larchener Bua,  
Saß' ſein mer g'schiedne Leut',  
Und f'hearn uns nimmer zua.

I gab für ſie mei Blut,  
I gabet ihr mei' Löß'n,  
Ober's erſti guati Wörtl —  
Dös kunn i ihr nit göb'n.

Sie — an hart'n Kopf,  
I — oan, mia Pflaſterſtoan,  
Soll Alls in Feß'n giahn:  
Mei Kopf f'heart miar alloan.

**W'rum der Hausknecht Michl nit in  
Himm'l kemmen will.**

Dös derfst's ös öpper ja nit glab'n,  
Dass i mi um 'n Himm'l reiß,  
Miar ischt nix d'rum um's Hausknecht sein  
In himmlisch'n Paradeis.

Dös woaß i miar ja lang scho gmuag,  
Wia 's ob'n in Himm'l ischt:  
Do hoast's glei: Michl, grüaß di Gott,  
Ist gut, dass d' kemmen bischt.

Glei stöll'n d' Heilig'n Stiefl außer,  
Aug'hausti Krax'n voll,  
Und Hof'n und Zangger pug'n kunnt i,  
Dass in Tuifl grauf'n soll.

Do müäßt i bürst'n und Stiefl wir'n  
Die ganzi Ewigkeit,  
I thua mi halt recht schian bedank'n  
Für so a Himmelsfreud'.

Do bracht'ns in an Fuatterol  
Gott Waters Dreispizhuat,  
I soll 'n putz'n und glanzet mach'n —  
I bitt' schian, seids so guat!

Die Jungfern wurd'n a no femmen  
Mit ihnri weiß'n Rittl,  
Do nahm i glei statt an Benzin  
An dick'n Buach'nknitt'!

Der Beatrus femmet a no z'wög'  
Mit löderni Gamasch'n,  
Z'löscht müäßt i für d'kloan Engelen  
No' d' Windeln außewasch'n!

Und loo Minut'n war man frei,  
Nam hast der 'n Schwiß o'grieb'n,  
Na'r hoapt's scho wied'r: A Fuußbad richt'n  
Für 'n Patriarch aff Numro Sieb'n.

Die Blaseng'l und dös floani G'fraß  
Stand üb'rol umanand,  
Und wenn d' oan aff die Beach'n tröt'st,  
War's Gschroa in ganz'n Land.

Und z' Nachts, wenn d'\*) gearn schlaf'n megst,  
Fang'n d' Eng'l z' sängen un,  
Dass man ja g'wiß loan Aug'nblid  
An Aug' zuamach'n kunn.

Na'r trampelt wieder a Bischof hear,  
Muaf nach Gott Vater frog'n,  
Den soll i mit d'r Latern zünd'n  
Und sei Gepack nochtrog'n.

---

\*) du.

Und Trinkgeld friagest a koan Knopf  
Du so an Heilig'n'schein —  
Dös müaßet für an Hausknecht ja  
A Höllenlob'n fein.

Um Viari in aller Herrgottsfrüh  
Hoast's: Aufstahn, Michl! G'schwind!  
Die Sunn' häng' außi, 'n Mond ziaich' ein,  
Und moch' a bißl an Wind!

Die Sunn- und Festtig-Namittog  
Runnt i aff a'r Wolf'n hoch'n,  
Und für an alt'n Cherubim  
Frei Haslnuß'n auflock'n.

Sell bin i liaber Hausknecht do  
Bein gold'nen Löw'nwiart;  
Runn i dört und dö oan außischmeiß'n  
Und beuteln unscheniart.

Dös gibt's in Himm'l ob'n nit,  
Kafhand'l und so Sach'n,  
Megst vor an iad'n Kraz'ntroger  
Frei Komplimenter mach'n.

Dös derfst's ös öpper ja nit glab'n,  
Dass i mi um 'n Himm'l reiß,  
Miar ischt nig d'rum um's Hausknecht sein  
In himmlisch'n Paradeis.

---



### Der Ad'l.

„Woß ischt denn döß, der Ad'l?“

Fragt der kloani Sepp sein Botern.

„Siechst, Bua, döß ischt so a erblig's

Zuig,

Wie der Typhus und die Blotern!“ "

---

### 's Zeisele.

I bin a floans Zeis'l,  
Meini Weizen sein gmoan,  
Mei Kröpfel war groß gmuag,  
Ober 's Schnabele z' floan,  
tschwi — tschwi!

Es löst nit aff mi,  
Ja sell g'spür i mer gnua,  
Wear a Nachtigall heart,  
Löst koan Zeisele zua,  
tschwi — tschwi!

I kunnt scho a jingen,  
Dass es umadum hallt,  
Weit wöck vu die Häuser,  
Liaf innen in Wald,  
tschwi — tschwi!

Ob'r i hoch' in a'r Steig'n,  
Meini Flüg'l sein hin,  
Und die Födern fall'n auß,  
Weil i in Maufern d'rein bin,  
tſchwi — tſchwi!

Ï fliaget weit außer,  
Ober i find' halt koa Thür,  
Und die Steig' geiht nit au,  
Es sein Stangelen für,  
tſchwi — tſchwi!

Und 's Trögl ischt laar,  
Do heart 's Lustigsein au,  
Bear weard denn do singen?  
Do pfeif' i Ent drau!  
tſchwi — ſchwi!

---

### Unternehmend.

A Bäuerle steiht voarn Tod'ntisch:

„Apothegg'r, an Löberthran! — Ist er wohl  
frisch?“

„Dös moan i! — Miar hob'n ja dö Woch'n  
Erst wied'r an Walfisch og'stoch'n!“

## A Fuirl.

Bei'n Diandel sein Fensterle  
Siech i a Liacht,  
Dös laßt miar foan Fried'n,  
Wer woaß, woß do g'schiecht.

Wie bald isch es g'schöckn,  
Wie glei' b'rennt a Haus,  
I spring' halt ins Kammerl',  
Lösch's Liachtl g'schwind aus.

Und bein' ausg'löscht'n Liacht —  
Ja wie funn denn dös sein —  
Ischt a Fuirl auskemmen  
In' Kammerle drein.

---

### Der Franz mit der Bildung.

Seit er z' Sprugg bei die Jager  
Ist g'wöf'n der Franz,  
G'freut 'n halt nimmer  
So a bäurischer Tanz.

Gar steiht in der Stub'n  
Und schüttelt sein Grind:  
Wie dö Bau'rnlaut' hupf'n,  
Dös ischt ja a Sünd'!

Noan Funk'n koo Bildung,  
Und springen wie d' Goas,  
I wear ihnen an Stadtlertanz  
Zoag'n, den G'schmoas.

Und wie d' Musi na'r auhcart,  
Do schreit er aff amol:  
„Hoi, Mentscher, göbts Acht,  
Fas' ischt Damenwohl!“

---

### 's Pfarrerl vun G'wänd'.

I woaß an arm's Pfarrerle,  
Hoach ob'n aff 'n G'wänd',  
Hat gor foa nob'ls Röckl un,  
Hat gor nit sluagi Händ'.

Sei Pfründ'n g'langt zu groaßer Noath  
Zun Löb'n — döß ischt All's,  
Ear tragt foa gold'ns Kreuzl und  
Noa Rött'n um 'n Hals.

Ear tragt 'n Herrgott tias in Herz,  
Mit voarn übern G'wand,  
Und an a Rött'n z' hängen braucht er'n nit —  
Sie bleib'n ja gern beinand'.

---



### 's versunk'ni G'schloßs.

Der Schnapsjörgl hat amol g'löf'n,  
A G'schloß sei versunk'n in an Sea,  
Und bein an schian Wötter, dö söch mans  
Die Thürmlen röck'n in d' Heah.

„Miar sein ja drei Häuser versunk'n  
In der Gurg'l in an Branntweinsea,  
Megst moanen, dö Saggra Hallunk'n,  
Dö röcket'n a wos in d' Heah.

O mei! do kunn d' Sunna woll leucht'n,  
Umasüß und vergöb'n's ischt All's:  
Mit amol a oanziger Kamin  
Schauget miar außer bein Hals.“

### Satz' pfüat Ent Gott!

Satz' pfüat Ent Gott,  
Bleibts g'sund!  
Und wenn i denK',  
I muaß dun Ent,  
Dös ischt a schwari Stund'.

Satz' pfüat Ent Gott,  
Löbts wohl!  
Und grüßts mer halt  
No Berg' und Wald,  
Und 's ganzi Land Tirol.

Pfüat Gott, löbts wohl,  
Mit'nand!  
Geltz, wenn i bitt',  
Vergößts mi nit  
Und göbts mer no die Hand!

Sag' pfuat Ent Gott,  
's ischt Zeit!  
Es pfeist ja schon  
Die Eis'nbahn,  
Pfuat Gott, Tirolerleut!

---


08992

---

Evamersche Buchdruckerei in Leipzig.

---





J. R. U. - 8/10/22  
F. R. U.

